

KA ACTERIK KE ICI WITCIHAKANIWITCIK KA AKWERITAMIAHAKANIWITCIK KANATA

WITCIHIWEWINIK KA TIPATCIMOTCIK ANIKI OTCI KA OCKI PIMATISITCIK E KI AKWERITAMIAHAKANIWITCIK.

Kekwan nihe witcihiwewin tipatcimowinik ?

Nihe le Code criminel takon neta e masinatek tan ke ki ici witcihakaniwitic ik ka ki akweritamiahakaniwitic kekotc ka tipatcimotc aka moci 18 ka tato piponesitc . E ici witcihakaniwitic kitci tipatcimotcik aka orina kitci arimisitcik e witakik kekwariw. Mitowi :

- Aniki ke ici witcihakaniwitic aka moci 18 ka tato piponesitcik ka ki akweritamiahakaniwitic kekotc ka tipatcimotcik matci nte orowitamik ka ici arimitakosinaniwonik kekotc masinactetcitcikanik kata otapiwok kekotc pitakamik neta aric otananiik aka kitci wapamatc ka itactahorakaniwiritci.
- Mekwatc tca e tipatcimotcik aniki ka ocki pimatisitcik matci kata ki witcewikowok ka naherimatcik awiriwa kirawe tca kata neherimo.

Enko ohwi kotakahi matci ke ki totcikatek aniki otci ka ki akweritamiahakaniwitic kekotc ka tipatcimotcik kitci miro witcihakaniwitic e tipatcimotcik :

- Kata tawok aka neta ke ki taciketcik mekwatc e arimitakosinaniwok **kekotc kaskina kata orowiwok**. Memacic kekotc irikik ke arimitakosinaniwok. Irikik ke arimitakosihakaniwitic ka ocki pimatisitcik. **Matci kaie kata ki actakaniiwoniw masinactetcitcikaniiw aka kitci wapamakaniwitic.**
- Matci kata ki **petakotakaniiwoniw kekotc kitci masinatcikaniiwok** epwamoci kitciparik arimitakosiwin kitci **tca apatak mekwatc e arimitakosinaniwok** matci kaie minawatc kitci koski apatak aka arimatc kitci koski wicamakaniwitic.

- **Matci kata orapamakaniwiiw arimitakosi iriniw** kitci kokwetcimatc anihii ka ocki pimatisiritci kecpin wir tipirawe e kispawatititotc ka itactahorakaniwitic.

Acteriw niheriw otci ka kiakweritamiahakaniwitic !

Apitc ka pimotemakak nihe kitci masinahikan Charte canadienne des droits des victimes esko 23 mikomin pisimw 2015. Nihe masinahikan itemakan kaskina ka ki akweritamiahakaniwitic peikon kaie ka ocki pimatisitcik e acterik kitci miro nanakatcihakaniwitic aka kitci macihiwewakaniwitic. Peikon kaie aniki ka ki akweritamiahakaniwitic acteriw kitci nataweritakik kitci witcihakaniwitic ke ici tipatcimotcik e arimitakosinaniwonik. Itasinatew nihe ke ici acterik ke ici witcihakaniwitic ka ki akweritamiahakaniwitic.

Tan ke totakik ka ki akweritamiahakaniwitic acitc ka ka tipatcimotcik aka moci 18 ka tato piponesitcik kitci ki witcihakaniwitic ?

Aniki ka ki akweritamiahakaniwitic kekotc ka tipatcimotcik aka moci 18 ka tato piponesitcik matci kata ki nataweritamowewok anihii arimitakosi iriniwa kitci witcihakaniwitic kitci tipatcimotcik. Naha tca kitci arimitakosi iriniw kata ki orewitam kitci nanakatcihakaniwitic epwamoci kitciparik arimitakosiwin. Matci kaie naha kata ki nataweritam ka akweritamiahakaniwitic kekotc ka tipatcimotc neta tipaskonikewinik ka mitatc kitci witcihakaniwitic.



E ACTEK WERITA
KITCI WITAMAKOIN



E ACTEK KITCI
NANAKATCIHIKOIIN



ACTEW KITCI
NTA WITAMAN



ACTEW KITCI
NATOCKASOIN



ACTEW KITCI
ARIMIHIWEIIN

KA ACTERIK KE ICI WITCIHAKANIWITCIK KA AKWERITAMIAHAKANIWITCIK KANATA

Kecpin e nataweritakok nihe kitci apatak masinactetctikan ka ocki pimatisitc otci aka kitci wapamatc ka itactahorakaniwiritci. Nte masinactetctikanik kitci ici tipatcimotc kekotc awriwa kitci witcihikotc. Matci kaie kata motci masinacteparitakaniwoniw otipatcimowin wir tipaskonikewinik ka mitatc kata ki oreritam tan ke ispatak kecpin aric itete nama kata nahiparin arimitakosiwin kekotc itete kata otamickako ka itactahorakaniwitic. Kecpin wir tipirawe kispawatititote ka itactahorakaniwitic. Wirawaw tipaskonikewinik kata orirewok arimitakosi iriniwa ke kokwetcikemoritci. Kekotc iteritakawe wir kata kokwetcikemo ka itactahorakaniwitic aniheriw kitci kokwetcimatc ka tipatcimoritci.

Kecpin e takok nihe kokwetcikemowin aka kitci tatcik neta awenak kekotc tepirak atita kitci taciketcik. Kekotc kitci pakitinakaniwitic ka ocki pimatisitc nte otci kitci tipatcimotc masinactetctikanik aka kitci wapamakaniwitic. Patam kata kanawapatam niheriw tipaskonikewinik ka mitatc aka moci 18 e tato piponesiritci. Kata takoniw kirika ke kanawapatak

tipaskonikewinik ka mitatc ke ki ici wikosimiwetc kitci mamicitctikaterik patahamowina. Peikon kaie kitci miro nanakatcihatc ka tipatcimoritci aka kitci macihiwewakaniwiritci. Tan ke asitci kackitaritci kitci tipatcimoritci ka ocki pimatisiritci kecpin aka nihe e actakaniwok orocowewin.

Matci ia ni nama kata ki itew naha ka itactahorakaniwitic ka ici oreritcikaterik ?

E itasinatek nihe Code criminel kitci miro nanakatcihatc ka ocki pimatisiritci ka akweritamihakaniwiritci acitc ka tipatcimoritci kitci wetisiritci ke ici tipatcimoritci acitc kitci nosanetac ka acteriw ke ici witcihakaniwiritci anihi ka itactahorakaniwiritci. Nanikotin aniki tipaskonikewinik ka mitatcic matci nama kata ki ici naheritamok kekotc kitci atciwinamowatcik ke ici witcihatcik. Osam kaie niheriw e acterik kitci nakatawerimakaniwitic anaha ka itactahorakaniwitic.

Awin ke ki aimihakaniwitic kecpin awocamec e wi nanto kiskeritcikatek ?

Kecpin kir awik kiskerimate e ki akweritamihakaniwitic matci ki ka ki witcihikowinawaw. Kaskina wic ota kanata askik takon nihe witcihiwewin aniki otci ka akweritamihakaniwitic matci ki ka witcihikowaw kekotc kata naskamo ka ici kokwetcikemowin. Neta takon e masinatek ke ki ici witcikoin. Répertoire des services aux victimes wirawaw ki ka witamakok tante ke ici nta kokwetcikemoin ite e ici peconakok kitacikewin.

<http://www.justice.gc.ca/eng/cj-jp/victims-victimes/vsd-rsv/index.html>

.....
© Kitci Okimakew e nikanipictak ota Kanata askik aniki tca e atossectowatcik kitci tipaskonike iriniwok acitc ka nikanipictak tipaskonikewinik Kanata 2019

ISBN 978-0-660-30653-7
Cat. No. J2-412/5-2015Rc1-PDF